

衣
讖
山
房
詩
集

衣讌山房詩集卷二

侯官林昌彝惠常

古今體

過田家

青青松柏樹上有春鳥鳴禽鳥爾何知惟聞布穀聲望杏開
春田寒食近清明村舍雨暘課時無雞犬驚但見羊牛來川
上夕陽平幸吾耒耜閒理我瓜豆棚倉中八斗粟與我子孫
耕俗習敦禮讓所喜無逢迎

禮讓夫云何歲事誦幽雅結廬古樹邊打麥晒原埜插籬未
彌月苳豆忽盈把有時清風來高臥瓜棚下急雨下遙村恍

如瀑布瀉明日烹雞豚又是社翁社相呼隔鄰叟銜杯足瀟灑或是山澤癯或是漁樵者

夜飲臺江樓送客

萬里波光一鏡開酒家樓上冷傳杯大江煙暝雙蛟去

雙蛟浦在

白龍江外遠樹雲高五虎來明月楊枝遲畫舫秋風桃葉滿歌臺

懷人異日漳江地魚腹瓜刀疊浪回

雙江旅夜懷陳蘭臣山人

落葉無人徑荒村碧一圍江魚乘月上山鳥背星飛有客企
子望式微胡不歸何時俱硯席拈句掩柴扉

游西山禪寺

絕頂有僧寺雲歸松榻前石樓秋見海煙岫月依禪獨坐聽
山雨萬緣空夜泉箇中微妙理不與世人傳

不寐

艱虞中歲困儒冠始信人閒行路難暮角風高殘夢斷明河
天遠曉霜寒鷺鷥鄉里輕孫楚悄悄煩憂問李端歌罷屢屢
乞無米投詩有客勸加餐

前劉三炯甫憐余瘦而多病寄
詩云治經耗精力強飯慰朋儕

二月初八日佛誕辰登天章臺望大江賦長句

登臺擊劍唱江東浩浩煙波入眼空萬葉帆檣殘照裏亂山
鐘磬落花中乾坤轉轂追飛馬歲月驚心感去鴻我本南華
舊弟子人閒君復尙飄蓬

書明史王化貞熊廷弼爭遼陽事後

干戈十載遍遼陽
剜肉加徵歎補創
公議不聞籌戰守
私仇但見鬪熊王
四千買間徒虛語
六萬征東亦漫嘗
最恨廣甯城已陷
侈談猶說復邊疆

書熊廷弼傳後

再起田間受特知
濟時難得此逢時
如何遘閔憂讒口
坐使沈寃慘喪師
報國有身應兩失
恃才無養亦奚裨
絕憐嘔盡存遼血
功不能居罪莫辭

哭家讖凡處士

寒花無語入湘簾
怕聽鄰家暮笛淹
零落山邱回首望
秋風

何處哭陶潛

前身羅漢謝凡塵宿草寒泉隔世因
正則生辰君死歲千秋

從此兩庚寅

識凡卒于庚寅歲

斜陽舊曲有哀聲誰贈孤魂及第名
腸斷生前杯酒淚隻雞墓下不勝情

何肉周妻竟可憐美人名士總如煙
因緣曾是彌陀果花雨

諸天久證禪

處士好禪學

零星舊稿付薇園檢點申徽手跡存
讀罷人間可哀曲

友人搜其

遺草數十首付梓

和煙和月與招魂

孤桐裂帛度哀絲白馬青蠅往事悲
風雨垂楊山上暮秋墳

聽唱鮑家詩

等身世界現河沙仙佛生來共一家
叅到金剛觀自在鏡臺

非樹亦非花

寒窗細雨夢初回
夢惠梅花跨蝶來

七月十五夜夢識几跨大蝶以梅花一枝贈

可許龍華逢盛會
天香吹送下樓臺

再書明史王化貞熊廷弼爭遼陽事後

敵騎驚傳迫瀋陽
紛紛廷議尙如狂
不教節制歸經畧
何用虛名賜上方
袒臂居然分左右
私心無復念封疆
河東陷後河西繼
戰勝玄元國亦傷

范忠貞公畫壁歌

耿藩植黨初披猖磨牙礪爪橫閭海天半壁危一綫逐人
魑魅窺大荒城頭夜半妖星響滿地干戈驚攘攘海風驅水
捲愁雲慘淡斜陽掛千丈入關虎豹出關呼東南結援滇池
吳蕭牆禍患出肘腋縱姦奚異狼生龜范公萬里推車入老
驥悲鳴作人泣天荒地老鬼窟深掣海鯨鯢擺尾立跼爲妖
鳥天際來蒼涼城郭徒蒿萊荷戈萬眾饑欲死神龍掉尾真
堪哀毒檻陰謀事勢惡軍心激變風波作三月十五日甲寅
迴廊殺氣刀光落吁嗟乎國家養士如養疴當時秉政劉秉政
徒顏酖范公傲舌吞聲哭孤懷耿耿光山河重垣扃鑄固如
斗極楛在躬碑在口破壁飛騰字有聲淋漓煤迹龍蛇走三

年垢面形容枯可憐無有完肌膚寸心萬死臨刀鋸淚痕血
暈相模糊在旁疑有鬼神扶不然何以八日絕食不死罵聲
細九日十日仍復精神麤至七百餘日猶能濡染大筆慘切
撚吟鬢

覓九華山草廬

在東城外與
壽山相聯屬

暮雲流暗壑隱然微有聲懸巖激飛泉疑與亂石爭蕭晨飄
迅商萬籟吹竿笙樵擔雲際沒鳥徑夕陽明黃葉落秋煙平
坂牛羊行哀蟬飽風露苦辛向人鳴獨抱秋心古似言入山
清鬻鬻泉石中悠悠移我情誓將此築室課兒學躬耕

訪陳山人隱居

林泉畫不愜來此訪仙蹤
澗仄餘殘雪山深多亂峯
薜衣上花影潭木老秋容
祇是空巖裏幽人何處逢

吾年二十七

吾年二十七窮經徒抱膝
三萬六千場四分去其一
老蘇當

茲歲始爲發憤日已來者
如斯未來安可必偶然涉
六經難

精飛衛蝨瑯嬛八萬卷記
誦方成

帙

恭甫先生小瑯嬛館誦書八萬卷余每鈔讀爲

作提

要 纔能見方隅何敢炫著述
搔首發詩歌嚶嚶復唧唧會

誦三百詩未窺三百室讀書
可千遍吟聲出蓬華正恐鄧禹

譏難免毛生啞友誼等千金
骨格重萬鎰文章未雕龍妄夢

執丹漆今生學已遲歲月逝
波疾古人治一經去華必摭實

及其得閒時精理抽乙乙許鄭重博綜程朱理則密穰麤無
襍糅嵌罅少分出撰言必鈞元立語各無匹武侯觀大意別
有天授質拘儒守其言讜論毋乃失陶公不甚解大旨自能
悉吾生兀窮年難化胸中窒駁辨事吹毛魚鳥徒聲聒披卷
相縱橫迥異猿偷栗嚼梅讀漢書與語解未畢深愧五德蟬

見陸雲
寒蟬賦

不如蟻子術五角與六張文場挫斧鑿鳳皇尙在笈

黃鵠離羅罍臺聊詠屯歌宋五笑坦率不解近世人科名序
奮秩難逢陳驚座拈鬢與辨詰屢焚君苗硯欲乞江郎筆入

耳厭淫哇盆開鬪蟋蟀論詩愛賓賢

賓賢名嘉紀秦
州人聖於詩

奉爲波

羅蜜世儒漫狂吟虛聲偶洋溢打油與釘鉸我胸有升黜撼

樹訝蟬螭縛繭類蜨蜻藏拙盛德事僅免蛾眉嫉風月訪劉
刻神仙說李泌欲作萬里遊亦慕孤山逸殺人笑錢刀富貴
柱下磻紙上偶談兵小言薄譎諂腰鼓驚斗牛狐鬼供呼叱
神劍發奇光每使姦邪望與佛本有緣逢人說陰騭美人如
花箭聞者或心慄娶婦守荆釵閨房無私暱人生貪嗔癡一
身皆梏極當懷天下憂奚患止或尼釜甑矣不知蓬廬忘据
拈爲筮地山謙六爻皆迪吉

題白雲館壁上

白雲不可孤天外見真吾書得未曾有山深空所無花潭尋
活水石徑闢榛蕪終日對澗古龐公相與娛

送梁君榮

佩璋八首

君榮家粵西隨宦吾閩相知六載情愫款洽近有南
楚之遊爰成七言長句八章用以誌別

蕭蕭征旆向斜暉寂寞蓬門笠屐稀
匹馬椒邱遲楚客數峯
荃浦怨湘妃天涯知己餘杯酒蘋末涼風嘆短衣
可怪九皋
兩黃鵠雲霄最恨不同飛

驪歌繞夢感離羣何處苔岑不憶君
國士鬢眉逢醉白美人
蘭芷問靈氛江天帆影杯中落海國鐘聲水上聞
六載徵歌
依趙瑟別愁怕唱柳紛紛

往事飄蓬感寸心年來澤畔託行吟
離懷江樹雲無際清夢

梅花月偶臨渺渺煙波時峽遠茫茫情緒暮流深一聲羸馬
淒其別歧路相逢淚不禁

亂山夕照海天高慷慨雄心斫劍豪何事勞生懸夢寐誰憐
我輩久蓬蒿有劍應落韃黑袖無線堪縫范叔袍又向津頭
憶瓊樹江潯南望益蕭騷

堵前風雨戰菱蕪攜手相逢擊唾壺壁上懸梭龍性動牀頭
磨劍鬼聲孤君家夢到騎蝴蝶春事悲餘甲鷓鴣欲贈瑤華
不堪折祇留短札報潛夫

薜蘿哀怨發江濱擲筆狂歌哭鬼神禊事歲難逢癸丑

丁亥歲詩

社儂蘭亭湘君天遣降庚寅論文幸遇沈麟士把臂當交鄭

癸丑之事

虎臣忽報暮雲散高會滿天星斗照離人

夜雨談詩又五年對牀曲尺記閒眠江山鴻鵠暮無影花月

琴樽夢可憐六代風雲留戰坂

余前有弔古戰坂詩極為君所賞

半生肝膽

託哀絃明朝執手河梁暮隔地相思總黯然

側身天地一悲歌南眺雲山奈別何萬里壯遊羨虞寄

君自粵客

聞十餘稔千秋高俠識荆軻關河落日悲彈鋏歲月離弦嘆逝波

送客還憑長短笛臨風吹出感恩多

唐樂府有感恩多曲

薄暮懷君榮

不見梁周翰蕭蕭兩鬢蓬關山方夕照羈旅又秋風結夢扇

舟外

余未識君榮時已夢與舟中聯吟

交情落魄中

仙家以丹成爲落魄

生平流水曲

獨爾和孤桐

君榮爲余
譚玄之友

詠小忽雷

酒酣花下曲初徵
牆外黃門聽欲磨
零落琴聲甘露變
人間

不識鄭中丞

鄭中丞
女部也

苦寒吟答家松門茂才

振溥

臣朔飢欲死
硃硃寒欲死

余署曰硃硃山人硃
硃見伸蒙于硃硃篇

臣朔飢死愧

侏儒硃硃寒死累
妻子城頭戍鼓聲
如啼雪花片片風
淒淒

屋上飛鳥凍墜地
閉門亂攏寒蘆低

用林茂之孤鶴人
蘆花意謂被也

無衣

何以能卒歲
有酒盈壺且微醉
生平不話范丹貧
汝客何須

苦相慰
牛衣對泣古亦有
四壁蕭蕭殭獨守
明星有爛弋雁

鳧飛來萬谷笙鐘曉登樓笑對碧翁翁飄然闔闔來長風丈
夫意氣雄古今拔劍出門西復東人生但效春雲萬長裘蓋
遍萬人海

題張亨甫

際亮

松寥山人詩集後卽送其入都

雄才橫海歷長蘆斫劍狂歌擊唾壺古樹斜陽話鴻鵠清樽
冷月弔猿狐天生李嶠真才子世有張堪總丈夫極目煙波
渺無際夢魂遙逐片雲孤

附亨甫次韻

江東名士出菰蘆爲我臨岐倒玉壺十月冰霜遲去馬九
邊關塞夢飛狐時回疆當時未必容張儉異日多應憶灌

邊關塞夢飛狐

時回疆

當時未必容張儉異日多應憶灌

夫况是鍾牙本同調天涯從此撫絃孤

黃蓮卿孝廉招同亨甫明經遊積翠寺卽席和亨甫

回首丘山感萬牛茫茫身世去來舟烽煙滿眼誰投筆燈火
千家獨倚樓殘月東南天似夢寒雲西北水空流相逢杯酒
應同醉莫遣張衡詠四愁

附亨甫遊積翠寺卽席元韻

尙走風塵笑馬牛飄飄天地一孤舟江湖望闕翻無路嶺
海籌邊尙有樓酒醒客懷當落月夜涼漁火在迴流北歸
蕭瑟傷南顧君漫言愁我欲愁

君勿爲名士

君勿爲名士名士本如娼誰想真顏色空作野鷺鶩

君勿爲名士名士多于鮒大千祇一粟立身無寸尺

亭甫出所製山水帳屬題率賦長句並送入都

去年我製梅花帳北窗高臥無人閒夢騎騏驎遊閩闔手持
雷斧鳴天關會對東皇太乙語要窮六合而外之奇山生平
頗恨九州隘目中最陋青山頑東皇命我乘雲去蛟龍導路
相追攀長風駕足萬億里天柱地維咫尺耳大江橫涕揖湘
君沅湘波濤捲天起雷填填雨冥冥雲中君愁山鬼喜我飛
去兮扶桑東雲霓掩藹橫長空我飛去兮大海北雷師告余
日昏黑歸來恫恍一夢醒安得椒丘焉止息自噉意氣空宇

宙但覺名區徒偈仄建甯張子天下才江山搖筆煙雲
年足迹遍海內天台雁蕩揮詩來邇來臥遊入空谷示我名
山歸尺幅畫成髣髴滄洲趣但見萬山環抱一山方起一山
伏清音泠泠在山腹臥對名山足清福吾生當爲天下懶君
其毋讓孟郊獨明朝又約名山遊千樹萬樹亂山秋我欲追
君徒吏猶煙破滿眼生離愁夢魂願化千羣雁長隨破浪之
飛舟

白雲

白雲未歸山作勢在空際何不化霖雨下澤人間世

祭竈詞

飴糕祠竈神杯盤紛襍錯好語一一奏替人瞞過惡
過惡固難瞞形影自相告暗室有十目獲罪無所禱

除夕感懷

時序推遷迫壯年妻兒如雁擁燈前儒生歷歲惟書藁萬卷
網罟抵萬錢

所憂

婚嫁尙未畢向禽難入山不憂一身饑所憂一家寒
霄壤原並育魚鳥充四維不憂一家寒所憂四海饑

靜觀篇

平生甘澹泊况乃居中田有屋小如舟羅列皆書編潛心悟

妙理冲靜合自然
摘詞禁華藻
詩思若湧泉
乃從秦漢後
想落羲皇前
古人獲我心
一覽三千年

嶽山雲盡合
谿水流湑湑
曠覽山水閒
東風吹高臺
雲邊匡石落
雨後春花開
我立蒼藤下
何事慰余懷
幽石不待掃
疎簷風快哉
偶學陶泉明
長歌歸去來

六經若日月
辭簡義亦明
奈何百家書
紛紛有所營
秋涼坐虛館
颯然神慮清
前不見古人
古人豈無情
文與時勢變
孰能與之爭
浩然一長嘆
吾道思干城

坐時雲滿衣
臥時雲滿牀
白雲自來去
青天雲自忙
煙壓柳絲重
風吹華鄂香
筍迸綠苔錢
松吸青霞漿
燕燕爾何爲
呢

喃春晝長曉來萋已綠春草夢池塘

名山爭秀出隔嶺聞秋鐘洞天三十六一一有仙風樓臺縹
緲閒烟霞相與通但見碧溪流流出青峯中我見赤松子相
依黃石公仙酒熟松花飲之如長虹

悵然思古人相思淚如雨登舟別名山迤邐向南浦一帆輕
且速不用勞篙櫂蒼蒼松樹林丁丁伐樵斧樵人相與歌禽
鳥獨無語天末北歸鴻翩翩下寒渚

丈夫遇知己勝於得美官幽石坐無聊欲然泚所歡古來英
雄士所就非一端論文美邦國習武備急難浩然凌紫霄卓
然不可干所以隨西李目識荊州韓

我讀少陵詩好鳥不歸山鹿鹿風塵裏仙人教駐顏何不隨
清流亦將相與還所以張子房流攬煙霞閒直走青山深遠
彼秦楚關漢王有天授居然龍顏攀

茫茫天地間所遇非古人西施豈不美而乃負樵薪若耶浣
紗去契合若有神飄飄范大夫爲國忘其身罷彼浣谿紗一
辭碧水濱國步有艱難安得獨屏營

桐柏八千丈周圍八百里其山有八重四面如削止中有金
庭宮王子晉居此高出萬古峯俯臨千仞水日日鍊還丹恨
不遇仙子仙子時一來濕布空青起

幸居堯舜世四海絕干戈不爲夔與龍恐負君恩多慨然招

隱士何必居煙蘿
古人家國閒
油然葆太和
君子不接手
其奈蒼生何
相與登東山
悠悠發浩歌

看雲圖爲王用卿上舍賦

閒雲不肯輕出山
出山無復閒
雲閒偶然踪跡在天際
已覺指示環人閒
人閒眼界復何有
朝爲黃牛暮蒼狗
誰憐雲也本無心
獨任人情善翻手
翻手作雲胡爾爲
君今試看雲安之雲
今何來去何止
來去蒼茫差可喜
人生三萬六千場
誰似此雲長不死
王郎意氣猶雲龍
讀書萬象羅心胸
一時飛思人變態
橫看側看天爲空
橫空看雲雲自好
塵世勞勞雲笑我
達人富貴都等閒
獨至看雲不草草
烏乎浮生如浮雲

眼看俗子徒紛紛與君扶杖入山去抱雲招下雲中君

民心謠

民心趨義天下大治民心趨利菑害並至

釜餽謠

名教掃地黃金空至道義爲鄰釜餽生塵

題畫

爲黃則
仙師題

訪勝題詩路百盤相隨琴鶴白雲寒泉聲飛響孤煙外有鳥

爭呼山樂官

鳥名

河陽花事滿江關千里輕舟獨往還彭蠡西風豫章雨一帆

秋色下崖山

嘉興錢氏手寫宋本杜注左傳並樞當陽侯印歌

腰懸金印汝勿喜汝是杜家不孝子唯阿注左昧真心掩飾
其詞直穢史書法大殊南董狐注家竟是遼東豕汝父杜恕
刺幽州曾遭司馬閉之死當陽久久不得調皇皇悻悻熱中
起爾時昭有篡弑心收羅名士歸箇裏炫來妹子親傾城韓
姑相攸聯并珥汝也日見篡竊事釋例春秋妄比擬集解難
欺萬世人忘却父讐滅天理春秋之作誅亂臣汝書大悖春
秋旨亂臣司馬懿師昭成濟賈充賊子耳鄭莊蔡足彼何人
趙盾趙穿無足齒賢哉仇牧孔父嘉王凌母止此其是師也
逐君昭弑君抽戈犯蹕操毒矢射王中肩本暴行司馬借爲

藍本紙鄭志苟免王討非如此注經真足恥李豐之忠奸可
斥王經之節貳可指高貴討昭堂堂陣汝注春秋曲而詭汝
看相繼師昭後裕與道成效步思若衍若秦若霸先歡洋堅
廣皆同軌石虎冉閔與符堅相習成風無代已羅胸武庫果
何爲左癖居然嗜痂痔服虔舊注不復見汝注祇宜糞土毀
劉炫規似博狼槌狼作浪非見漢書祇中副車未著軹劉炫
見左傳誅心之論出後來千秋我愛雕菰氏鮑氏說見雕菰
孔疏引
疏

陳恭甫師命箋絳跗草堂詩鈔謹呈一百韻

時應恭甫
師聘修禱

建通志

萬丈摩空筆天風捲海詞文章操鬼斧壇坵樹神旗細響嚴
辭振元音大力持高撐巖穴秀下瞰培塿卑矯矯飛鴻曲聲
聲猛虎詩韓蘇爭壁壘漢魏築藩籬百代看扶懦千秋藉起
衰揮毫曾渡象染翰欲吞龜倒峽才如此旋乾手在斯齊驅
曾有幾釋憾總無遺握槩空空妙懸河字字奇雄師撼陣日
偏將受降時每費三都價齊教十日思况當青綺歲早煥碧
梧藁年少陳驚座清流吳隱之壓藩千輻集問字萬夫馳江
漢毫端露山川筆下摛翻洲踢鸚鵡入夢兆彭蠡握卷人如
鳳譚經客化狸食貧書柿葉買物返燈檠相約師文舉何常
斲孝尼九經勒嶠茹七諷廣呻吟蕪草披蒲牒題箋噉豆腐

才華齊孝綽家學比王慈列宿參遷舍渾天辨守夷九霄飛
霹靂萬壑現嶽崑頃刻秋聲賦清奇華嶽碑龍文膽斗壁鳳
管寫淋漓撰曲驅窮鬼吟山走大魁高歌殊刻鵠潑墨早揚
鬢藝苑無雙詫駱壇獨步推一斑甯豹隱寸管幾釐噫腕底
凌煙鑱麤中脫穎錐錦江下霜鶻文苑出天驪棘院初燒燭
蘭名早蔽遼金篋常刮眼碧樹想交枝身價侔丹鳳精神閃
赤螭鬢宮重衫綬舊閣寫之而芹藻觀旂至衣冠鼓篋披詩
書扛巨鼎名姓入丞彝獨韻追三步鴻篇將萬雌雲霞常繞
腕談笑盡舒眉品望河東柳霏言司馬芝軒軒動毛髮默默
洽肝脾學浪長澎湃才源望渺瀰文詞敵班馬言論襍軒岐

未入紅蘭署偏親白玉規
食苹先鹿唱研桂肅鴻儀
屢出申公簡齊深董子帷
司衡稱領袖名士耀冠綵
墨海蠡難測書閣眾不疲
百家空睥睨餘子敢攀追
簪筆來丹陛披香躡紫墀
玉堂前殿夢舊史老臣姿
天上蓬萊水人間太液池
詩魂金荔翠文骨碧琉璃
擘紙裁蘭藻鋪箋落素碁
鈞陳詞浩浩粉署策纍纍
賜錦傳金馬量才出玉麒
花磚宣禹玉雲彩應韓琦
鶴隊聯班肅鈴聲出殿遲
吟場元帥上學府至尊知
傳檢輝薇省鳴珂駕寶羈
昌朝贊喉舌伏闕重欽咨
冠冕躋黃序圖書擁絳幘
南宮三禮定東觀六經司
孔壁開昭運曹倉立碣基
洪鈞公頌協著作古人悲
杜預胸成庫韓熙袖

有鏡玉山人朗朗瑤瓦雪
澌澌秉鑑臨河汭
傳琴感魯情
披沙操月斧
度巧越工倕
沆芷紉無漏
湘蘭采得宜
儒林詖行拒大雅
德隣資儲藥盈青
篋掄材耀色絲
眾仙看虎變
使節振夔皮
巨響洪鐘發
飛光古鏡垂
扶輪收梓杞
勘字馥荃蘼
望闕雲韶動
趨朝淑景移
煙花臨鳳沼
綸綍錫犀毗
主德勤相眷
天波早濯疵
養親明詔下
陳牘拜章辭
賦別來陶謝羣
仙望呂伊離
歌駒載道飲
餞酒盈卮
策轡雙駒疾
還鄉一鶴隨
金齏開講席
玉館立山茨
飛騎人餘幾
馳聲更有誰
經談瓊鹿洞
說著鐵牛祠
奏樂生徒集
撞鐘塵尾麾
鏗鏗號揚政
奕奕繼安熙
析理河爲口
飛談雪瀉瓷
洪音聞碧落
高議

不言
卷二
落紅滋抵掌花生席開筵燕在楣條分辭滾滾列座對睚眦
豈止驚山魅真能哭嶽祇傳家留鐵杵購稿走昆彌學盡師
從彥人甘鑄子期經文藏石室形象畫蒲葵榕嶠維風教薇
宮降福禧凌霄吹鐵笛高唱入雲湄

送友之粵

揚州韓慕薌

州元

鄭慕谿

誠

二君遊幕吾閩從陳敬

軒案頭見余詩乃以余之字爲字今冬別余游嶺南
詩以送之並以志感

茫茫天地送征鞍江上魂銷此別難驅鱷文齊韓吏部題鵠
詩重鄭都官

韓君長於文
鄭君長於詩

梅花五嶺回鞭指橘子三山帶雨

寒君去仙城莫惆悵好當風雪強加餐

讀史懷古名將七首

漠漠黃沙戍火紅將軍後臂欲摩空狼煙邊草干旗月雁塞
秋聲萬馬風霹靂晝鳴飛白羽鼓鼙夜震走黃弓如何破盡
匈奴虜到死曾無尺寸功

李廣

掀天事業鎮蠻邊阨險山川聚米年壯盡雄風鑄金馬掃殘
毒霧墜飛鷲苔花銅柱功難掩薏苡明珠謗可憐垂老據鞍
心益壯裹屍猶想葬茅煙

馬援元人過交趾詩戰功難掩處銅柱上苔花

十人持鼓夜鳴弓鄴善招徠第一功疏勒降旗投馬足莎車
亂騎散蟻攻蠻方傳箭幢麾白葱嶺橫戈塞草紅生入玉門

猶壯志將軍有子紹英風

班超

關河黑月亂鷄聲塞北悲歌慘不驚
破夢戈同中夜枕倚天
劍欲渡江鳴一龍人代童謠起
七馬春秋寇讎平千古祖劉

雙壯士搖鞭河北掃鯢鯨

祖逖
劉琨

睢陽百戰血模糊畫像高懸天子圖
赤火焚營萬幕警黑衣
縋壁一軍呼霧雲抽矢真名將
叔冀屯兵愧丈夫三十六人

俱厲鬼至今惟記陸家姑

張巡

茫茫亂雪戰雲昏十萬雄師殺氣吞
笳震牙城埋鬼陣令嚴
鏑斗散蠡屯黃沙霆走軍聲壯
赤羽星飛虜騎奔千載奇功

留片石金雞喚後豎降旛

李愬

旗鼓雲中偃九門，饒陽擊賊寇終奔。
車飛大礮諸酋陷，塵降城萬騎屯。
躍馬雄心孝德媼，功小醜笑懷恩。
臨淮遺法軍中識，壁壘河山百戰尊。
李光弼

秋夜登城樓書懷

深谷起何處，暮山無盡情。
白雲千雁影，黃葉萬秋聲。
淚爲思親下，心因數柝驚。
中年感哀樂，絲竹激空清。

自題一燈課讀圖後

寸草難酬罔極親，井燈回首淚猶新。
井燈事見先母本傳種瓜負米今無分，
天下傷心第一人。

王未蘭山人夢遊蓮花洞圖

道微

古來今一夢耳人間世花在水大千界等螻蟻妙蓮花發洞
裏江上舟來彼美採蓮人仙家子屏萬緣結歡喜蓮咒鉢喻
其旨二萬場去箭駛羊脚熟雲生履藕爲船歸來是

松石圖爲李鴻緒題

古松鬱蒼秀下有磅礴石宿雨溜苔斑細草枕澗碧濤聲空
際飛雲氣蔚然積山阿有幽人煙霞歸窟宅橫琴古樹陰意
若適其適白雲爲之侶氛埃盡盪滌空翠滿虛抱佳月款良
夕寄懷清微境詩意羗心得嗟嗟塵網中逐逐皆形役靜者
有真機觀覽猶粗迹惟應山中人可以共栖息

題亨甫金臺殘淚後

同調鍾牙賦離憂尋聲怕聽畔牢愁如何驚代張平子淚灑
金臺亦感秋

追弔何希修孝廉

青芝

流水笳簫往事空淒涼蒿里曲初終文章舊夢羅含鳥歌詠
長灰白傅筒幾載墓門餘鬼燐有人湘草哭秋風楚濱吟罷
招魂句青塚高原夕照中

掖均圖爲劉煥爲孝廉賦

均卽古韻
字見史記

天籟鳴自然喁喁鱗律呂清角協黃宮流徵襍商羽音均本
不恒孰爲括其矩自有文字來均學開李呂

封氏見聞記魏
李登撰聲類十

卷凡一萬一千五百二十字以五聲命字不立諸部魏書呂
靜作集類五卷官商徵羽各爲一篇錢竹汀云漢世言小

學者止於辨別文字至魏李登呂靜始因文字類其聲音雖其書不傳而宮商角徵羽之分配實自二人始之顏氏家訓亦言均集有分章

周陸乃繼興四聲分韻伍

齊書周顒傳顒始著四聲陸厥

俗後人分部也

傳亦分四聲 唐宋互異同賈劉屢修補

賈昌朝劉定容

誰歟輯其成

嘉定章氏黼謬譌刊紐圖正例依洪武林代多纂修終難述

翫縷火燬與魴彭

春秋左傳士魴公羊作士彭魴彭方言異音輕重不同

南北殊風土

五經均不同况乃楚詞楚

文心雕龍楚詞楚按楚詞本楚音故訛均繁多也

累黍定

中聲華夸歸合譜沈不識雙聲軒昕義無取抗志瀼魏苻證

今宜援古浚長著說文姬公明訓詁風雅尊周詩詩歌溯韓

杜讀藝畧識字數典不忘祖金石鏗元音琳瑯搜故府劉君

英傑士高誼敦古處本范亦叅方贍族創豪舉

君生平慕宋范文正公之

爲人嘗置義田以贖族
近代方靈皋亦嘗行之

爰置續命田戚屬得資斧益益春風

和枯條悉吹煦驅策走九州觀書眼如炬仰天答奎文鳴窮
通牛語亢倉陋鷲暴鐘彝辨癸父力學三十年勤劬茹荼苦
遠紹太始音樹作中流柱千載闢蕪蕪斟茗手畫肚眾喙息
紛呶豎儒何足數我憶留金翁獬圖一延佇

說文劉作鑄
从金雷聲

同蓮卿登鼓山大頂峯卽步元韻

振衣巉巖巔飛蘿捫絕磴萬壑天風迴冷冷獨清聽高秋鬱
青蒼上方發鐘磬八衝聞流鈴穹廬虹氣亘眼中十萬戶一
一羅形勝花雨雲外落冥茫墜鳥徑坐嘯日西沈羣山不敢
應儻然出塵埃餐霞塵夢醒

再遊鼓山題幽居禪室壁間

泉恐出山濁心聊對澗醒澗光寒釀碧山色曉凝青風籟非
禽籟樵形誤樹形遠瞻嵐翠合重至路疑扁

大蠹

天下有大蠹吏胥爲之首黨惡肆刁獍新舊例俱有有例須
白金無金休矢口荐食來長蛇變幻若蒼狗竟操黜陟權能
試高下手夙夜所用心孽孽在利藪兩漢重功曹必擇高厚
叟郡邑舉賢良掾吏無敢醜六朝崇令史吏胥亦純厚吏與
士分途朱明開其牖流毒至近代居然成稂莠此輩無官方
難責其操守官或朝暮更吏則累世久欺詐出家法勢勝官

八九官明察二三官昏如木偶今欲除其弊莫若剖其斗

之以士人品高或不苟

許駕部宗彥謂以有品士人易之昌

亦不可使

世其業 治道庶有益我言非覆瓿此蠹倘不除終爲邦之

咎

題許梅笛華山訪道圖

絕壁捫苔落曉紅笙鐘萬谷送秋風微茫古廟神鴉散縹緲
天梯鬼斧空仙子佩環晴翠外故人裘屐亂山中深龕倘遇
棲真客曾否蓬萊此處通

答王偉甫

廷俊見贈

美人窈窕出蓬蒿著述名山寄訊高斫劍王郎能拔我漢儒

經術楚風騷

答石甫和韻

策蹇窮途寄一身清才淪落半風塵
吞雲真氣空山嶽動酌高歌哭鬼神
怪底世人皆欲殺何堪我輩獨愁貧
江河自有迴流日絕代佯狂莫效顰

衣讒山房詩集卷三

侯官林昌彝惠常

古今體

道山僧舍次亭甫明經卽席韻

攜酒上方寺鐘聲煙外飛浮雲惟鳥度落葉有僧歸歲月催
殘笛江河送落暉長風起巖壑吹上故人衣

海內論知己交談竟夕心張衡長不樂王粲獨高吟潮落江
天渺鴉棲暮樹深虛堂此明燭千載溯高岑

王子遷
詩後成

大澤龍蛇遠空山雀鼠饑談兵呼白羽轉粟夢朱旗各有憂
時感能無對酒悲何年賦招隱同拜水仙祠

喚起千秋月，長空弔美人。乾坤容我醉，肝膽向君真。瘴海橫
戈苦，高臺擊劍頻。角聲天外落，俯仰亦酸辛。

附錄 亨甫道山僧舍卽席元韻

高閣蟬仍唱，閒庭鳥自飛。舊游渾似夢，

往與會城諸友屢集於此多病

不如歸。氛祲干星象，

天文家言近甚掃文章

江山動晚暉。東南烽未

息，臨眺一沾衣。

海水涵天迥，蒼茫萬古心。不才難獨往，未死尙哀吟。燕雀
橫空滿，蛟鼉得氣深。直愁蓬閣外，老鳳失丹岑。

丹實明愁眼，祥鸞久自饑。炎風蒸草木，暑雨怨旌旗。有夢
兵應洗，無家醉亦悲。燭長將短淚，閒灑范公祠。

列坐連佳士勞歌見古人病兼兒女累狂得友朋真地僻
南荒盡天瞻北闕頻登高還送遠

燕歸不日往泉州矣身世劇悲辛

哭陳恭甫師

金盞峯畔舊帷堂

師自道光甲申主講盞峯十年甲午孟陬歸道山

接席談經鬢有

霜

師年六十猶著書課士夜以繼日

入夢龍蛇呼起起

師精皇極數謂辰巳以後難逃大厄言卒

驗傷心麟鳳感茫茫淹中墜簡搜應遍棘下先師念不忘流
水高山哀調盡門前書帶已斜陽

淮陰侯乞食圖爲社亭題

英雄淪落皆如此一襟我亦愁蒿萊縛草難驅五窮鬼乞食
肯效王孫哀逢人不借豆羹活胥下之辱同塵壓闕門賣餅

歌屯厄長門薦賦無良媒侯生今世亦凡材歲在敦牂月在

宿七閩饑饉成荒災

時閩中告饑升米至七十銅錢

滿目嗷鴻集中野身死

不受人嗟來我時枵腹拜許鄭鼻無黃氣腸如雷古來餓鄉

禁俗子其如妻子聲喧扃同室進食左右敲我瞻塵甑空徘徊

徊千載豈無兩漂母我生頗恥持瓶鬻披圖灑淚長太息淮

陰本是天人才昔日江頭成餓孳婦人一飯歡顏開長安惡

少莫輕視壯夫不受庸夫啗淮陰本是天人才不然誰知當

年垂釣有高臺

自題餓夫圖

圖繪一人箕踞石上手托瓦盆有大羣哄

饑腸九轉吞星斗恥向侯門托瓦盆席地幕天伸足易何勞

邨犬吠黃昏

昨夜

冬夜作

苦寒未已還苦饑八歲五歲三歲兒

炳兒八歲濂兒五歲權兒三歲

山妻喁

喁向我語昨夜梁間落饑鼠

桐江釣雪圖爲丁式如

珏

同年賦

蘆花兩岸飛濛濛江頭萬鷺棲孤篷白雲在天呼之下釣絲
直拂金鼇宮其釣非釣雪盈把不釣利名如君寡得魚沽酒
醉便休細雨斜風歸去也

絕句寄家子萊

仰東

梅花心緒菊花知臣朔年來尙苦饑可嘆炎涼僂指數同心

獨有甲辰雌

子萊與
余同庚

黃忠端公祖墳苔字歌聯句

公父青原公墳被土人侵
佔一夕風雷大作次日遍

墳苔草書黃界二字
土人乃惶恐事息

荒烟蔓草天靄靄

蕪

銅山萬古存孤岑

子

先賢忠孝死不朽

英光長照閩江潯

蕪

黃家舊名冑

齋尙書負神異

子

挺生夢感龍精妊饜心文字搜邱索洞機

名理尤浸淫

先生常著
三易洞機

登高四望暝雲合先人墳墓當嶺巖

君子之澤已五世何物狐鼠生氣祲鋤強太守不復出按

安得來龐參帝遣元精作飛檄羣靈千隊行駸駸

蕪

墓旁居

人盡鍵戶譎言教魄從天臨

子

荒塋一夕長苔蘚黃山黃

鋒芒森天然意造豈人力

蘇

橫掃墓側連碑陰前朝陵寢亦

榛莽杜鵑啼血悲秋隸

子

鄴山北面望宮闕遙遙不見松楸

林孤忠萬劫念君父上天久鑒公之心黃泥宜有鬼神護流

示爽禳光來今閩鄉風雨出堆塚六安陂岸留公琴

蘇

古來

哲人存聖蹟我時憑弔還露襟矧此海濱毓賢地白楊不翦

今蕭穆

子

秋聲颯颯吹片紙墳樹爲我俱悲吟

蘇

古意寄甯德陳玉川山人

高臺冠雲表宛與摘星齊胡爲燕婉求色者亂之階豔妻煽
方處柏舟良可悲南山有烏羅無乃解師妻深深湖上水中
夜起徘徊但愁聽者苦不知歌者哀膠柱而鼓瑟從古知音

稀不如雙鴛鴦朝朝江上飛

閱世二十一首

君不見河有魴兮江有鱖南北古今嗜何歧今人若請古人
客下箸何異驚蟊蚺風流兩晉牛心炙若登今筵等鼠腊寢
海饕餮稻粱麥誰辨書中麻黍稷潘妃步步生蓮花宵娘裙
下新月斜豈有章條與號令南窺黔粵西流沙南威却步夷
光蹙不羨螭首羨弓靴男女飲食情同貫今人古人若冰炭
青牛化胡老聃辱章甫適越神禹歎扁鵲不工帶下醫枉搗
藥石走殺西

君不見東漢盛南陽季漢盛襄陽北宋衣冠盛洛陽臥龍雛

鳳每比戶德星慶雲時一堂今日斗米黃巾數昔時桔槔柴
胡沮澤旁吳越文明甲天下昔時斷髮文身化齊魯今誰禮
樂郊幽燕盛境長安亞邯鄲瑟澣上桑桃浪蘭風潦洧鄉今
人不聞夜合笑枳橘有時遷地良何况攀鱗附翼乘王氣麟
鳳已遙羽翼逝猶從巢穴覓風雲何異南陽洛陽求國瑞陵
有移兮谷有徙天旋地轉無終始花有開落月圓缺地轉天
旋互盈竭服參必求上黨參帶做柱膠譎殺人

渡水何必萬丈虹庇身何必萬牛棟材費人勞木石重水涸
天晴山澤康略約容舠堪渡人竹屋茆簷足穩夢共笑棟虹
徒亘連磊砢穹窿復何用潦洧憚成鞭石梁齊王欲毀明堂

蕩洪濤齧石雷破山蛟龍起陸天地恐略徇漂流不復存
芴屋翻飛那足鞏始悟不動安如山棟虹端爲風雨幪

君馬黃臣馬蒼兩驂相逐如雁行南山牡北山牝水草寢訛
矜顧彭牝牡驪黃各一羣選毛配色爛如雲立仗十年不一
鳴此物真堪瑞太平一朝秦寇從天至盡出天閑當敵騎旆
卷霜寒鼓聲死跪地長嘶淚盈臆四十萬匹盡駭材畢竟龍
媒在何地當年取我取驪黃如何驅我陣雲旁當年相毛不
相骨如何今責電霜掣君求千金百戰馬請覓鼓車鹽車下
凌霜竹箭傲雪梅直與天地爭春回如何不逾河以北亦如
蘭桂江南栽梅竹君子性蘭桂美人魂但傲南雪畏北雪材

難自古窮乾坤誰言摧挫盡天意恩生害兮害生恩不見松
柏梁棟材燕南塞北皆徂徠不見柳爲木精應天宿沙漠以
外青青芝橫絕六合無南北幾見遷地難良哉柳如民庶松
大臣一世仰用材始真梅竹未足雲雷屯吁嗟乎梅竹尙謝
雲雷屯區區蘭桂安足陳何況蕭艾與稷薪

寒山一夜鳴條令天地驚大壑深厓頭角成晦冥變化如有
神拔樹移湫徙窟宅勝以魚蝦萬千百前村後村波濤黑傾
刻邱陵成澤國月令金鼓旌陽劍誰向潯陽逆潮射四海但
謂鱗甲盟誰知乃是雉蛇卵四海但仰雲雷欽誰知災孽非
甘霖多少蟄龍潛土室欲作風雷無羽翼吁嗟造物風雷職

莫使潛龍爲蜥蜴

新沐冠新浴舞散髮天風歌白紵倒濯銀漢無殘暑火雲燒
天汗垢塵坐臥麻姑搔不仁胡不蘭湯上已瀆一番禊祓一
番新主人色難心畏潔欲浴先必謀蟻蝨更衣受風防外泄
甘聽羣污飽膏血披此七斤大布袍百年不浣滄浪月君不
見燈蟲不翦燈不然蠶蠹不捐書不全由來利害無兩便由
來膠柱無百年素女改破媧皇絃

水性本是地中流不逢大禹滔天浮陸生舌下城七十庖丁
朝解十二牛死碁中有國手著殺人方卽生人藥禍福倚伏
塞翁馬何時何地無回薄堯牽牛舜荷鐘不如牧豎麾肱指

左畫圓右畫方更加掣肘誰成章
會者不難難者不會虎鈴解繫
非二人龍伯豢屠藏一芥起雷
造冰有何技神符只是人間紙
中流一壺迸游洗肯信三軍待
君濟九曲絲穿不如螻大聖有
時拜桑婢

扁鵲見秦王三見三歎唏初病
朕理可鍼灸次病腑臟可湯液
鍼灸苦膚藥苦口攻伐恐傷元
氣厚何如勿藥得中醫國老衣
鉢爲君授三見甫入門望氣先
卻走藥石攻補百不受太乙雷
公齊束手娠童媚子環芻狗堂
上稱觴萬年壽

名匠五都市人人矜斲埴使構
凌雲臺莫傳國工式呼機寒女
家各各矜供帳使製天孫錦莫
問鄰姥樣航海鯨浪高如

山野渡孤舟難復難小巫莫鎖支那怪庸醫詎治華佗肺白
虎鼓瑟蒼龍籠釣天樂奏巴人賦昨日巧今日拙大者癡小
者黠常時叱咤生風雷遇變南山銜石闕尺短豈無寸長小
受不可大量颺枝有盡鳩拙難藏如何觴豆三爵旅酬揖堯
飲千鐘孔百榼

誰言布穀鳥不可代犢犁春曉誰謂羅浮蝶不可代蠶成繭
帛長養費盡春風心翩翩欲笑農桑色秋風木落黃雲稀九
月天寒未授衣欲尋鶯蝶抹寒飢始悟所用在是所養非高
高者天漠漠者海溥桑玉禾竟安在路長翼短何曾悔主人
終不驚蝶罪幽風障子顏色改解渴望梅應有待得過且過

行相賀明春鳳皇不如我

豈無大宛龍駒獻昆侖月竈如星電不作戰馬作舞馬銜杯
上壽娛前殿更遣鴛鴦作導師日調魚雅回翔姿惟恐風雲
之氣霜電骨不化仗前倡俳物足不習兮沙漠日不習兮霜
鏑耳不習兮輦柝漁陽鐵騎朝叩關驪山舞馬垂雲鬃急驅
舞馬作戰馬漫更錦障裝刀鏤十年錦障雄心死何處沙場
報知己

取才亦使勇冠軍取色亦使尹服邢才色空羣不及德猶令
一世推娉婷縱慚軒轅媼后誠終勝昆侖媚豬輩深山大澤
生龍蛇美玉明珠發光怪昨夜蛾眉入漢宮門楣戶闕生春

風得非詩禮式金玉得非星曆欺芙蓉每下愈况猶不應但
傳挾瑟窄雙弓有女尙祝熊羆祥有女尙警關雎章何能競
技倚門倡夷光尙不取何况求孟光雞鳴待旦顛衣裳

生小苾蘿村少長綠珠里一顧世間無蛾眉一嘖江上無秋
水屑金布地塵生履一塵一步香風起與君織錦疑七襄與
君主饋調天漿二十五絃彈別鵠鄰女停鍼國工服共道蛾
眉宜漢宮尹邢不敢儕車轂若言漢宮不需人何故圖畫徵
求徧山谷相需何殷復相詭東沈白日西逝水他年恨不生
同時待君憶儂圖畫裏

入宮十年不見知一見君王殺畫師士感一言死知已何怪

千秋墓草青離離國色例當人主貴閼氏單于亦相敵千秋
圖畫重明駝豈非願盼光輝力邯鄲才人厮養謫一生不及
君王側落日滹沱夢顏色

美人一笑采雲間王母雙成絳節還人天相去咫尺關美人
一睽采雲蔽香風忽起青鸞逝天上人間千萬世前歲尙希
青鳥使昨日嚴霜青鳥死夢裏神光月如水覺後空櫺月如
紙月中之影世界同語聲不達廣寒祀他生未卜此生已隔
海扶桑木連理相望何親相晤難始知天上甚人間天風吹
不到海水送將還

生不同時不同地縱逢或不可君意誰復怏怏歎曾臆咫尺

宋玉東牆東少小天桃尺五紅嫣然一笑羞春風春風春月
芳心許油壁車來賞紅雨波影霞光嬌欲語紅雨綴紅淚續
谷爲陵陵爲谷玉忽瑕忽玉雲朝雨暮恣翻覆青天白日
仇膏沐豈是連波媼若蘭豈真厮養覬邯鄲易莫易兮難莫
難幻莫幻兮慳莫慳天風吹不到海水送將還

東皇東皇胡不使札君吳屈相楚洛陽年少相漢祧張禹不
然胡不勿令生下土亦免五嶽方寸讐千古東皇東皇我欲
爲君掃落花飄茵不飄藩潤家萬里錦障圍紅霞郎陪瑤母
宴妾駕紫鸞車遊戲但搏銀漢沙萬年不令鳳隨鴉紅霞如
電紅日如箭年年王謝堂前燕依舊百姓家中見何況銜泥

柏梁殿

風雷一夕梭龍失否卽十年甘掛壁七十二鑽智神龜何以
支牀自呻吟三十六輻共一車車轂之用當其無旁人方笑
馬腫背癡叟誰信龍能屠精衛萬年摩頂踵秋蟬一蛻何其
勇由來妙用善藏用修羅宮卽藕絲孔何必垂天之翼方圖
南海天風多身不安何必垂天之翼方圖南

君不見阮籍陶潛之酒可以亡夏商吾家和靖先生之鶴可
以覆衛邦米家之石書畫舫何殊良嶽花石綱帝王好尙異
儒生儒生以之寄其情人主以之傾其城溺佛溺仙皆玩物
何獨酒色可自伐朝會但聽蔡邕琴何異琵琶曹妙達聽於

聲者聾於官荒其本者詳其末吹皺一池之春水皖山不入
酒杯裏采石江頭釣月人量去長江一萬里百年養士鬱風
雲如何但得廷珪之墨澄心紙

論詩

萬卷羅心胸天籟出口吻君看好女子不用施脂粉
別才非關學嚴叟論難定鼓瑟覓知音休求俗耳聽

答友問袁簡丞詩

老大入顏唐少作尙豔偉渠是通天狐醉卽露其尾

弔秋海棠

失題作

亭臺一夜忽飛霜冷落相逢亦自傷暮雨易增騷客恨秋風

誰賞美人芳我愁蘭芷憐同病爾對琴樽定斷腸一縷香魂
來海上淡烟殘月兩微茫

秋日登鎮海樓遠眺歸憩僧寺

虎門迢遞日西斜片片旒櫓矗牙黃葉秋高棚石磴白雲
天遠望人家無端世態隨流水何許詩情逐暮鴉且把行藏
問初祖花宮風月幾恆沙

唐人詩櫓
排轟轟牙

重九日宛平彭縣尉招飲席間口號

臺迥鷺飛菊酒天看詩脫帽話樽前三山秋色來千里九日
清風買萬錢官舍名花紅映肉城樓去烏白樓煙持螯閒話
情文摯主是陳登客魯連

回首寄劉炯甫

忽忽論詩十二年，劉郎才調本神仙。草堂回首聯吟夜，涼月

一亭花未眠。

乙酉余安研炯甫家課其令弟學每與炯甫晨夕聯吟今歲炯甫屬余商訂詩稿中附錄余七

律詩云秋聲滿樹簾初捲涼月一亭花未眠此二語久不復記憶全詩少風格不可存今改爲絕句以寄炯甫用志昔時主客之好云

題桃花小樓圖

夾岸桃花散曉霞，風光疑是武陵家。一樓煙雨空濛外，應有漁舟問落花。

書祖龍本紀後

祖龍亂天紀，焚書亦徒勞。顛倒我衣裳，難向沙邱逃。鮑魚亂

戶臭一死如鴻毛秦鏡能照膽何不照趙高

嗷嘆

空林落葉亂飛鴉嗷嘆孤山處士家月白風清香在袖滿身
寒影弔梅花

題文徵明太白樓頭醉酒圖

嗜酒佯狂愁更愁滄洲笑傲一杯浮君看東海青天月長掛
高樓九百秋

孤亭

薄暮孤亭望泠泠百籟喧亂山青抱郭萬竹翠成邨雁語秋
煙暝羊歸落日昏荷鋤逢野老相對話郊原

幽居寄友

幽居感岑寂木落霜天空我菊如此黃點綴疎籬東人生貴
適意此志將毋同伏櫪一長鳴恐居凡馬中何當遇伯樂萬
里風雲通

哭檀兒

六歲戊戌九月二十四夜暴殤

刀劍西風劇可悲那堪割削哭兒詩獨憐一掬傷心淚流到
泉臺汝不知

噩夢驚拋掌上珠

檀兒死之前半月
余得惡夢心異之

中年絲竹泣童烏青天

可問應搔首消息巫陽事有無

殘更血淚下如潮

顧况哭子詩
日暮哭成血

壘塊填胸恨不消靈運生身

知是幻夢兒亭上月蕭蕭

共命迦陵痛翦翎

朱錫鬯喪子詩云本爲共命鳥幸然翦其翎

咄哉牛斗竟無靈

斷腸何處尋黃絹痛見邨山墓草青

玉樹凋傷可奈何思兒一夕鬢雙皤銅盤夜火空垂涕萬縷

愁絲逐逝波

九京汝去苦無依每到眠時望汝歸

余每從館中歸櫪兒必牽衣顧問飽飯否余偶

值腰足痛楚櫪兒必搥至夜分

黯黯兒魂歸不得有誰相恤汝寒饑

牽衣勿藥尙呼孃

九月二十四日夜鼓四下病垂危忽張目牽兩子衣曰吾母勿藥爲兒病不起矣

到死猶憐兩目張

死一時而目不瞑

斫斷塵根心百碎人間難覓返

魂香

招魂謠

哭禮
兒作

棲鴉落葉邨山路翦紙招魂白日暮魂兮汝幼將安歸祇恐
夜臺有風露魂兮汝去杳如烟魂兮招汝山之巔魂兮汝去
譬如電夢裏牽衣忽相見死後十餘
日方入夢離魂黯黯淚如霰離腸
寸寸穿如箭魂兮魂兮汝歸來魂兮汝曷來相唁汝耶思汝
哭成血汝孃哭汝但嗚咽汝兄汝弟望汝歸汝不歸來痛詠
別嗷嗷噉噉猿聲哀茫茫渺渺魂歸來淒淒惻惻燈如豆蕭
蕭穢穢寒風催漫漫寂寂歸何處汝耶思汝肝腸摧招汝魂
兮巖之阿疾風捲雪冰峩峩招汝魂兮地之下思汝形聲淚
盈把魂兮汝去衣裳單魂兮汝去饑且寒魂兮歸來行路難

魂兮歸來與汝語牛角豸豸非伴侶見宋玉招魂嗚呼魂兮曷歸
來長人千仞能食汝見宋玉招魂魂兮化去驚蓬蓬幽都渺莽難
久居魂兮魂兮來依余

讀離騷遠遊篇題後

鸞鳥翔飛天樂聞湘靈鼓瑟奏承雲故鄉掩涕空臨睨修到
神仙尙憶君

一望天間詖蕩開雲中婉婉駕龍來餐霞未訪丹邱訣徒倚
人問亦可哀

邵武吳厚園茂才詢及近况作二十八字以答之

身世虛舟如是觀尻輪神馬感無端孤山山上蕭蕭月照見

梅花萬樹寒

西江晚霽圖爲江右友人題

燈火隔林薄絕無間井喧牛羊歸粟里雞犬出桃源雲影淡
搖月梨花深閉門平居得幽趣不事學文園

言懷

海外有五嶽上與銀河通中有神仙人碧落敲晨鐘元牝發
天苞紫氣來金闕搏桑不起雲倒吸靈臺月
莊生好元化爲著逍遙篇天地視鯤鵬一如小物然鷓鴣戀
故里不過一枝耳誰挾泰山飛夜飲淇渤水

至人騎日月四問四不知何子處之高而視人之卑先生無

遺教弟子謹識之故鄉不平步非謂不忘故吾舌與吾心盡
人知之矣剛亡而弱存天下事如此

明月照寒山下見寒山雪非心亦非佛教我如何說昨到白

雲裏忽見赤松子問余仙人術身之精神是

大哉此身之
精神請之聖

盃翦松花清秋采菊芽世人徒自醉胡不煉丹砂

山中有喬木崔嵬春雨滋上有黃鳥鳴啾啾何所思將爲琴
與瑟繅繭以潤之持以贈君子和諧會有時

我昔適村舍四圍紅杏花茱豆不盈把旁種花木瓜村中一
老叟早起方抱孫欣然見我來談笑開柴門土竈炊新粒瓦
缶蒸雞豚有兒耕且讀主人亦不俗

丹山有鳴鳳巢彼龍門枝託身非不高恥爲雞鶩知英雄有
坎坷由來悲路歧甯爲千仞翔勿爲俗習移振翮凌雲霄及
此少年時

蕭蕭北邙山纍纍死人墓死者在生時名利營朝暮富貴位
已極貪欲不肯悟想見彌留日性命危朝露尙爲子孫計田
園金石固誰知百世後饑渴莫能度何不飲醇醪徘徊執與
素

我持一壺酒解君千古憂放懷天地間同爲山水游紅顏不
須與振古皆如茲榮名雖已立恐爲後世嗤攜琴上瑤島從
此訪安期

斜月淡河漢明星低建章擁衾不能寐愁人知夜長博山香
中庭松露冷衣裳美人思不來手折秋花香安得坐蓬壺觀
日出扶桑

離騷思美人意旨微有託春草綠沅湘隨風度高閣言情何
靡麗羅綺相參錯讀者坐忘倦悲者不自覺謂之淫奔詩國
風胡爲作

芙蓉淬劍匣秋水生太阿縱有殺人心難割絲與蘿結髮當
及時恩愛自古宜吁嗟復吁嗟道遠棄山陂瑤華齊結子甯
使春芳萎錦衾與角枕粲爛將何爲

青林細雨至花裏啁春禽隔花三兩聲幽然清道心道心誰

與知琴臺枕竹籬籬邊見綠水蔥翠捎雲枝

淑氣蘇萬萼麗日罩金陂眾花已成綵春蝶復滿枝桃天含
章館梨溶影娥池故人不遐棄相與談心期春明北海尊爲
詠東山詩

明月散林彩信步東湖遊微風吹我衣蘅芷攬芳洲香草豈
不美而難與之儔庶幾一遇之澄清敦好修

懷許梅笛游河內

蘆雪菰烟鷺水濱蕭蕭琴劍獨吟身香蘭莫遣悲秋士玉佩
終當贈美人萬里庾樓明月夜九秋邢觀惠風晨神皋翥鳳
思君夢愁絕蓬廬向子譚

書陳恭甫師絕筆詩後

武夷山下落春花，巖壑幽香坐飲茶。不唱人間哀樂曲，騎麟

飛上玉皇家。

先生爲武夷王曲山神，素不飲茶。及病篤，惟飲

新奇樹幽香，每結鄰自笑。平生疎茗飲，場來誰判配茶神。

憶范公祠荔支有感

曾記江城如畫樓，凭蘭壁荔漫消愁。而今高閣仙枝裏，何處

飛來鬼蝶游。

荔枝曰仙枝。鬼蝶喜食之，見虞初新志。近范公祠積翠寺爲英鬼所穴。

病愈

百年歲月感匆匆，何處樽前唱惱公。病不禁秋消瘦甚，五更

風雨燭花紅。

讀虞伯生武夷幔題後

浮生何事祇空忙
金谷繁華說夢鄉
悟到人天無我相
落花飛絮兩茫茫

大千世界幻虛空
天地渾如鳥一籠
閒掛仙瓢何處飲
蘆花深處月明中

有所思寄君榮

被彼玉鶴擎
駐賞金麟洲
君子有所思
萬里浮雲浮紅顏
久視果不謬
鑄金之術誰爲求
谷神不死守生氣
功成上與清虛遊
取精元牝有妙理
容成仙去空丹邱

題畫

鐵橋風捲嶂千盤莽莽黃沙塞草殘馬上蠻姬作胡語一
萬里九真寒

趙雍寒雅圖爲張篋仙賦

楊柳新黃棗楓紫寒鴉飛入畫圖裏
咿咿啞啞來洞庭白徧
蘆花八百里紛紛擾擾如沙塵烏雲一片空中起
翩翩翻翻
復聯聯高高下下更跂跂或撲或追或徙倚或噪或啄或集
視或掠或啼或欲墮蕭蕭萬箇聲未已一幅殘陽芥遠山或
呼其羣哺其子低盤時或逐白羊高飛忽避蒼鷹駛千團黑
影帶秋色長天萬里沈沈水征夫紫塞涕沾襟戍卒榆關淚
難止烏棲曲唱莫斷腸披圖喜見奇男子

鴉各見
清異錄

書范文正公傳

經濟文章此獨賢
千秋已定秀才年
甲兵滿腹資雄鎮
風木關心廣義田
父子功名三世共
黎民憂樂一人肩
先生節尚高山水
百拜嚴陵記一篇

書毛文龍傳後

兵法毛公善用奇
竭來海上誓雄師
三方並進謀誰定
一飽難求事可知
豈有空言能濟急
由來庸主半多疑
卽今慷慨談皮島
我爲將軍灑涕洟

古謠

集古歸藏易語案歸藏易此節僅見於爾雅邢疏引絕似古謠

瞿有瞿有瞿有觚
宵梁爲酒尊兩壺
兩踰飲之三日蘇

同享甫登鼓山遇大雷雨

接嶺來風雨微茫墜翠旂雲奔山欲動煙立水孤飛萬馬巖頭失千鴉樹杪歸前谿幾邨落隱隱掩柴扉

柳青青送李繡宸

廷森

柳青青去燒停關心秋月色看劍酒初醒垂楊遊子路鐘聲催日暮日暮送君行秋江如有情白鷗一片忽飛起數叢沙草向煙裏去帆千里又萬里柳色青青送行李

題畫

紅欄無數簇緋英燕子飛來倍有情細聽呢喃歌一闋樓頭

互谷讀書聲

炳兒好解經其說易諸篇頗有理悟因成二十八字

苦心長對一燈青喜汝觸辰善說經消息天人能解悟得閒
我倚竈觚聽

眠琴綠陰圖爲友人題

萬竹陰陰綠披襟爽氣森此君足幽賞使我感鳴琴不鼓意
何遠停徽心與深定知雲外響化作老龍吟

讀周櫟園詩題後

蒼黃囚服勇登陴保障全閩足總師讀到仙霞題壁句詩才
過嶺亦雄奇

送吳伯鈞離尹

國俊

黯黯河梁下筆難
七閩海國送征鞍
江淮詞賦思才子
會計賢勞服長官
西去百川遊謝傅
南來九稅問桓寬
比隣大地藏知己
烟雨楓橋別後寒

答友

力追騷雅掃淫哇
中有金鍼繡綺霞
不學冬蟲思夏草
徒憐秋蝶夢春花
雕鐫宇宙夢長鏡
結納雲烟共短槎
萬轉千回心一寸
高吟盡在口西斜

中秋同黃蓮卿秀才登凌霄臺

鱗鱗城郭萬家明
永夜樓臺入望清
鼓角高秋鳴似語
關山涼露落無聲
江煙水國寒牛斗
花影村燈動旆旌
何恨懷人

蘭芷思天涯故友愴離情

時梁君榮隔歲未聞消息

感懷

多病邠卿懶注經老成知己半凋零

長興張小軒侍郎師同里陳恭甫師並前後下

世鼓琴從此無人聽只有煙波海上青

已亥秋薦後瞻佛像有思亡兒阿檀

祝佛喃喃最有情阿耶秋榜早題名而今秋榜題名姓不聽
喃喃祝佛聲

題符雪樵明府

兆綸

夢梨雲館詩集

蛩邊燈火古人愁

集中句

一夕西風入小樓讀罷夢梨雲館句

關山涼月不禁秋

涼月關山橫笛夜君集中漫興句也

江山如畫入詩囊
壇坵西江兩幟張

謂君英少香師

獨把金鉞來度

世不從花底繡鴛鴦

金元遺山詩鴛鴦繡出從君看不把金鉞度與人似未免太隘矣

東越談詩愧二雄

君謂余詩與張亨甫爲閩中二雄

草間恐妬到蒼蟲

薛君采詩

勸君莫作鳳凰吟恐有蒼蟲草間妬時有妬君言者故及之

與君同抱憂時感儘在蠻煙

瘴海中

集中多感吾閩近事

佛座千花一手持
河聲海氣入新詩

集中感事詩云河聲直倚蛟爲室海氣俄驚蜃

樓若教評入鍾嶸品
可是紅鑪點雪時

悲歌贈子棻

吁嗟乎東流之水無迴波
旣落之葉無返柯
揄有鬼來山阿
人生萬事幻泡影
鐘鳴哀操空悲歌
古來聖賢多薄命
天

亦難問吁嗟何炎涼世態玉成汝簞瓢清福貧哉頗秋聲捲
籜鳴東舍鬱鬱萬憂起長夜天風吹落步虛空飢鳥不啼月
西下吁嗟乎黃金照眼行路難鞠鞠空自摧心肝金夫銅臭
等螻蟻梅花冰魄終高寒空齋寂寞復寂寞美人門外來珊
珊

歲暮感懷寄祉亭皖城

年華逝水急相催病榻蕭蕭半上苔自覆青絲憐少婦暗拋
紅豆怨良媒楚吳風雪羣鷗下甌越烟波獨雁來
相贈遠斜陽向暝獨低徊

唐中和五年李克用題名碑拓本爲崔梅笛賦

乾綱倒置日無色羣藩禍亂薰天黑詔書惟及咸陽道赤心
兒子初難得唐季大盜如虎狼鴉兒忽睹沙陀裝勤王之師
力百戰雁門亞子京兆王爰拜平章進郡傅司空太保名煌
煌大茂倉祠北岳聳義憤直足排邊霜東西收復先忻代四
十一州方破碎幽州王將肆橫行鎮州萑苻初困忤天殃人
怒不服計鄰瘠已肥成太愍狐飛上黨愁塵埃五十萬騎東
方來新城之拔祇一戰易州寇虜紛紛摧亞子忠誠篤世誼
白髮陣上威如雷酌酒行庖一輕騎刻石徵事戰功恢可惜
回兵空北指鳳翔奔帝誠堪哀刑賞未公失和事報仇未免
生疑猜三垂岡上稱有子上源驛裏猶雄才英豪磊落固如

此功罪兩兩應兼賅題名碑本誰摹刻贈我會記清河崔千
載留名不識字鐵鎗吾慕彦章氏